



— FDLR —
Forces démocratique de libération du Rwanda
Democratic liberation Forces of Rwanda
Urugaga Ruharanira Demokarasi No Kubohoza U Rwanda
WWW.FDLRABACUNGUZI.COM



URUGAGA RUHARANIRA DEMOKARASI NO KUBOHOZA URWANDA FDLR

**ITANGAZO RYA FDLR RIKANGURIRA IMPUNZI
N`ABANYARWANDA BOSE KWIRINDA UBUCABIRANYA
BWA BAMWE MU BANYAMASHYAKA YO HANZE
ARWANYA UBUTEGETSI BWA KIGALI BARI
KWIFASHISHA MU KUBACAMO IBICE NO
KUBARANGAZA BABAKA IMISANZU.**

Mu mezi macye ashize, ibitangazamakuru byinshi bikorera mu kwaha kw`ubutegetsi bwa Kigali byatangaje amakuru menshi ko Umuryango w`Abibumbye ugiye kuzarasa inzirakarengane Impunzi z`Abanyarwanda ziri muri Congo DRC.

Abayobozi bamwe b`amashyaka ya opposition akorera hanze basamiye hejuru iza nkuru z`ubugambanyi bagwa mu mutego w`ubutegetsi bwa Kigali ubwo bagaragazaga uruhare rwabo mu gushaka gusenya FDLR. Aha twabibutsa itangazo Bwana TWAGIRAMUNGU Faustin yihutiye gushishimura ngo bamwe mu bayobozi ba FDLR nibishyikirize inkiko kugira ngo Kigali ikunde ishyikirane ngo cyagwa iza mpunzi batazirasa . None se uwo munyapolitike yahindutse umuvugizi wa leta ya Kigali cyangwa umuvugizi wa ONU kandi aza no kwifatanya na FDLR ? Ibyemezo

byo kwitandukanya n`uwo munyapolotiki byashimwe
n`Abanyanyarwanda benshi bifuza amahoro arambye mu gihugu
cy`u Rwanda ndetse no mu karere kose.

Abanyarwanda benshi kandi banyuranye bakunze kugaya ibindi
bitekerezo byagiye bitangazwa na Nyakubahwa Padiri Nahimana
Thomas Perezida w`ishyaka ISHEMA ku byerekeye ni imvugo ze
agenda ababwira ko agiye kuzana amahoro mu gihugu no mukarere
kandi akaba akomeje no kubasahura abasaba imisanzu ngo agiye
kuvugira impunzi ziri muri RDC yitwaje izina FDLR, Mugihe impunzi
n`abandi Banyarwanda bategereje kubona umurongo utomoye
ubuyobozi bw`ishyaka FDLR rifitiye Abenegihugu babujijwe
uburenganzira ku gihugu cyabo.

Kubera ibyo byose byakomeje gushyira impunzi mu gihirahiro
hakaniyongeraho ibihuha bikwirakwizwa n`inyangabirama
hirya no hino mu mpunzi, Ubuyobozi bwa FDLR buboneyeho
gutangariza Impunzi z`Abanyarwanda zose ibi bikurikira:

1. Kuva ziriya nkuru ko FDLR izaraswa zakwiragira, bamwe mu
bayobozi b`amashyaka yo hanze barimo barazenguruka
cyangwa bagakwirakwiza mu mpunzi amagambo yo kuzicamo
ibice bazibeshya ko batumwe na FDLR kuganira nabo ku bibazo
ifite muri iki gihe.
2. FDLR iratangariza impuzi z`Abanyarwanda aho zihereye ku isi
hose ko itigeze ibatumaho abanyamashyaka abo aribo bose.
Murasabwa rero kubima amatwi ahubwo mukegera inzego za FDLR
zibegereye ku gira ngo mubone amakuru y`imvaho.

3. FDLR iributsa Impunzi zose ko intumwa zayo ibatumaho ari izifite ubutumwa bwanditse kandi bufite ibirango by'ishyaka (mandate/lettre d'accreditation) bibemerera kuyihagararira mu bihugu mutuyemo.

4. FDLR iratangariza impunzi z'Abanyarwanda n,abari mu Rwanda bose muri rusange ko ihagaze neza mu nzego zose.


FDLR izakomeza kwita ku mutekano w'impunzi yiyemeje kurinda no gukora ibishoboka byose ngo zitahuke mu Rwanda zidapfukamyeye kandi n'amahoro arambye aboneke mu gihugu cyacu no mu karere gihereyemo.

Mugire amahoro y'Imana.

Bikorewe I Walikale, 26 Ugushyingo 2014

Umuyobozi mukuru w,agateganyo wa FDLR

BYIRINGIRO Victor



General Major
Président ai des FDLR